

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. केन्द्री मंत्री डाक्टर जीतेन्द्र सिंह होरें आखेआ ऐ जे भारत पिच्छले 11एं ब'रें दे दरान तकनीकें पर आधारित राष्ट्र दे तौर पर उभरियै सामने आया ऐ।
2. उपमुख्यमंत्री सुरिंदर चौधरी होरें आकाशवाणी जम्मू च हिंदी पंदरवाड़े दे सरबंध्यै च आयोजित कार्यक्रमै च हिस्सा लैता। उ'नें आखेआ जे असें सबनें गी हिंदी दे महत्व गी समझना लोडचदा ऐ।
3. मुख्य सचिव अटल डुल्लु होरें जम्मू-कश्मीर च पीएम विश्वकर्मा योजना दी अमल-आवरी दा जायजा लैता।
4. स्कूली शिक्षा विभाग ने कोचिंग सेंटरें दे कन्नो-कन्नो सबनें सरकारी ते निजी स्कूलें गी आखेआ ऐ जे ओहू विद्यार्थिऐं गी नशीले पदार्थें दे सेवन थमां दूर रक्खने लेई सख्त हीलें गी अमल च आहनन।
5. एशिया कप टी20 क्रिकेट टूर्नामेंट च अज्ज संझां दुबई अंतर्राष्ट्री स्टेडियम दे सुपर 4 मुकाबले च भारत दा सामना श्रीलंका कन्ने होग।

<><><><><><>

Jitendra CSIR

विज्ञान ते प्रौद्योगिकी मंत्री डॉ. जितेंद्र सिंह होरें आखेआ जे पिछले 11 बरें च भारत नै टेकनालजी दे क्षेत्र च बेहतर कारकदर्गी दस्सी ऐ ते भारत इक टेकनालजी संचालित राष्ट्र बनी गेआ ऐ। नमीं दिल्ली च वैज्ञानिक ते औद्योगिक अनुसंधान परिषद CSIR दे 84में स्थापना दिवस समारोह गी संबोधित करदे होई आखेआ जे 2047 तगर विकसित भारत दे लक्ष्य गी हासल करने च तकनीक दी अहम भूमिका होग। इस मौके पर मंत्री होरें CSIR दी उपलब्धियों दी सराहना बी कीती जिंदे च मुल्य दी पैहली एंटीबायोटिक Najithromycin बनाना ते पैरासिटामोल बनाने आस्तै स्वदेशी टेकनालजी गी विकसित करना शामिल ऐ। मीडिया आहलें कन्नै गल्ल करदे होई केंद्री मंत्री डॉ. जितेंद्र सिंह होरें आखेआ।

<><><><><><>

Dy CM Hindi Pakhwada

आकाशवाणी जम्मू ते दूरदर्शन जम्मू आसेआ हिंदी पंदरवाड़े दे सरबंध्यै च अज्ज आयोजित इक कार्यक्रम च उपमुख्यमंत्री सुरिंदर चौधरी होरें हिस्सा लैता। इस पंदरवाड़े दे दरान आकाशवाणी जम्मू आसेआ निबंध लेखन, पत्र लेखन, टाईपिंग ते सामान्य ज्ञान आह्लिएं श्रेणिएं च बक्ख-बक्ख मुकाबले करोआए गे। इ'नें कार्यक्रमें दा मकसद हिंदी भाशा दे इस्तेमाल बारै कर्मचारिएं गी मता जागरूक बनाना हा। अज्ज आकाशवाणी जम्मू दे प्रांगण च लोआए गेदे समारोह च उपमुख्यमंत्री होरें इ'नें प्रतियोगिताएं दे जेतूएं ते होरनें गी पुरस्कार बंडे। इस मौके पर आकाशवाणी समाचार कन्नै चेचे तौर पर गल्ल करदे होई उपमुख्यमंत्री सुरिंदर चौधरी होरें आखेआ

<><><><><><>

CS-PM Vishwakarma

मुख्य सचिव अटल डुल्लू होरें जम्मू-कश्मीर च प्रधानमंत्री विश्वकर्मा योजना दी अमलावरी दा जायजा लैने लेई इक बैठक दी अध्यक्षता कीती जेदे च मुख्य करी ध्यान पंजीकृत लाभार्थियों आस्तै दोआर-कर्जा लैने आहली प्रक्रिया गी होर सखल्ला ते इस स्कीम दी अमलावरी गी होर बधाने पर दित्ता गेआ। बैठक दरान मुख्य सचिव होरें इस गल्लै पर जोर भरेआ घट्टोघट्ट 70-80 ज्हार लाभार्थियों गी दोआर कर्जा उपलब्ध करोआने आहली संस्थाएं दे दायरे च आहनना लोड़चदा ते कारोबार गी बवसायी तौरा पर बधान। उनें सरबंधत मैहकमें ते बैंकें गी निर्देश दित्ते जे दोआर-कर्जे आस्तै मंजूरी ते समें पर भुगतान गी बवस्थित बनाने लेई नेडमा तालमेल बनाइयै कम्म करन। इस योजना कन्नै मते कोला मते लाभार्थियों गी जोड़ने आस्तै मुख्य सचिव होरें अफसरें गी निर्देश दित्ते जे ओहू प्रदेश दी हर नुक्कर च लोकें गी जागरूकता आस्तै अभियान शुरू करन।

<><><><><><>

Seva Parv Internet Rev

मुख्य भरै च “सेवा पर्व” मनाया जा रदा ऐ। एहदे तैहत प्रधानमंत्री नरेन्द्र मोदी हुंदी अगुआई आहली सरकार तैहत कीते जा रदे जत्तें गी उजागर कीता जा रदा ऐ। इस श्रृंखला च अज्ज अस गल्ल करगे Internet राएं आए दे क्रांतिकारी बदलाव दी। कियां इंटरनेट नै ग्रामीण भारत ते भारत नैट परियोजना राएं लोकें दी जिन्दगी च बड्डा बदलाव आन्दा ऐ। 2 लक्ख 18 हजार ग्राम पंचैतें च 7 लक्ख किलोमीटर Optical Fiber Cable बछ्छाईं गेई ऐ। प्रधानमंत्री नरेन्द्र मोदी हुंदे जत्तें राएं ग्राएं च इंटरनेट दा खासा विस्तार होआ ऐ। ग्रामीम इलाकें च रौहने आहले लोकें गी e-governance, सेहत सरबन्धी, दिक्खभाल, शिक्षा वगैरा दी सुविधा हासिल होई। इनें कम्में कन्नै डिजिटल भारत आहले जत्ते गी सेई मायनें च बल थोग।

<><><><><><>

Prog. Announcement

आकाशवाणी दा क्षेत्रीय समाचार एकांश जम्मू “सेवा पर्व 2025” दे तैहत अपने विशेष कार्यक्रमें दी श्रृंखला दे इक हिस्से दे तौरा पर 27 सितम्बर गी 30एं मिन्टे दी इक विशेष परिचर्चा प्रसारत करने जा रदा ऐ, जेहदा विषय ऐ- “इक विश्व शक्ति दे रुपे च उभरदा भारत”। इस कार्यक्रम च स्थाड़े परोहने होगन वरिष्ठ पत्रकार मनु श्रीवत्स जेहड़े इस विषय दे बक्ख-बक्ख पैहलुएं पर अपने विचार सांझे करंगन। इंदे कन्नै गल्लबात करंगन न्यूज एंकर अभिलाषा शर्मा ते जगमोशन शर्मा। एह कार्यक्रम कल शनिवारें साड्डे 12.30 बजे स्थाड़े इसै चैनल मीडियम वेव 303 मीटर यानी 990 किलोहर्ट्स ते FM 100 इशारिया 3 मैगाहर्ट्स पर प्रसारत कीता जाहगा।

<><><><><><>

ते हुन बाकि दिएं खबरें कन्नै विजय बजाज।

SED Order

स्कूली शिक्षा मेहकमे नै कोचिंग सेंटरें दे अलावा सब्बने सरकारी ते निजी स्कूलें गी अपने शैक्षणिक संस्थानें च ते ओहदे आले-दोआले मादक पदार्थें दे सेवन पर काबू करने ते एहदी रोकथाम लेई उपाऽ अपनाने लेई सख्त निर्देश जारी कीते न। आकाशवाणी दे जम्मू संवाददाता नै जानकारी दिती ऐ जे एहू निर्देश स्कूली शिक्षा विभाग दे सचिव हुंदे आसेआ जारी कीता गेआ ऐ जेदे च आखेआ गेआ ऐ जे एहू नशाखोरी दी माड़ी कबैतू समाज च तेजिया कन्नै फैला’रदी ऐ। स्कूल जाने आहले बच्चे बी इस माड़ी कबैतू दे शिकार होआ करदे न जेदे कन्नै ना शड़ा विद्यार्थियें दी सेहत खतरे च ऐ, सगुआं उन्दे भविक्ख ते शिक्षा दी नींह पर बी बड़ा माड़ा असर पवा’रदा ऐ।



Jammu-Tourism

सैलसफा सरबन्धी कुल संसारी ध्याड़े दे मौके उप्पर कल जम्मू दे सैलसफा मैहकमे आसेआ मानसर, पत्नीटॉप, बसोहली, रजौरी ते कटरा च रंगारंग कार्यक्रमें दा सरिस्ता कीता जा'रदा ऐ। इ'नें कार्यक्रमें दे दरान, चित्तरकारी ते नारे लिक्खने सरबन्धी आयोजन दे कन्नो-कन्नी विरासती सैर, मानसर झील च किश्तिएं दी रैली ते मुकामी कलाकारें आसेआ लाईव पेशकारिएं दे राहें बी जम्मू दी समृद्ध संस्कृति ते कुदरती विरासत दा प्रदर्शन कीता जाह्ग। एह्दे अलावा गुड़ियां बधाने मतल्लक पतंग उत्सव ते सांस्कृतिक प्रोग्राम बी आकर्षण दा मुख्ब केन्द्र होडन ते इंदा मकसद टिकाउ सैलसफा ते मुकामी हुनर गी बढावा देना ऐ। मैहकमे नै सैलानिएं, विद्यार्थिएं ते मुकामी लोकें गी साद्दा दित्ता ऐ जे ओह् इ'नें कार्यक्रमें च शामिल होन ते जम्मू दी सगोसार संस्कृति, कुदरती छलैपे ते बधदी सैलसफा समर्थ दा जश्न मनान। इस बारै होर जानकारी सांझी करदे होई सैलसफा मैहकमे दे ज्वाईट डरैक्टर ऐजाज़ कैसर होरें आखेआ



GST-Reforms Stationery

आम लोकें ते विद्यार्थियें गी इक बड्डी राहत दिंदे होई सरकार नै बक्ख-बक्ख उत्पादें पर जीएसटी घट्ट करियै उंदा बोझ घट्ट कीता ऐ। अगली पीढ़ी दे जीएसटी सुधारें तैहत स्टेशनरी दिआं चीजां जिआं जे कॉपी, ग्राफ बुक, शार्पनर, पेंसिल, रबड़, बगैरा गी टैक्समुक्त बनाई दित्ता गेआ ऐ। इस्सै चाल्ली बूट ते चप्पलें दी कीमतें च बी कमी कीती गई ऐ। एह्दे कन्नै गै सरकार नै लकड़ी, पत्थर ते धातुएं कन्नै बनी दी मूर्तियें पर टैक्स दी दर गी घट्ट करियै 5 फीसद करी दित्ता ऐ जेड़ा पैहले 12

फीसद आहली स्लैब दा हिस्सा हा। मकामी लोकें सरकार दे इस फैसले दा सोआगत कीता ऐ। इस बारै आकाशवाणी समाचार कन्नै अपने बचार सांझे करदे होई इक विद्यार्थी नै आखेआ।

<><><><><><>

Asia Cup Cricket

एशिया कप टी-20 क्रिकेट दे सुपर-4 मुकाबले च भारत दा मुकाबला अज्ज श्रीलंका कन्नै होग। एह मैच संझा 8 बजे कोला दुबई इंटरनेशनल स्टेडियम च खेड्ढेआ जाग। उआं भारत पैहले गै फाइनल च पुज्जी गेदा ऐ जिसलै के श्रीलंका दी टीम इस प्रतियोगिता थमां बाहर होई गई ऐ। हून फाइनल च भारत ते पाकिस्तान आमने-सामने होङ्गन। एह मैच ऐतवारें खेड्ढेआ जाग। जंदी रातीं पाकिस्तान नै बंगलादेश गी 11 रन्जें कन्नै हराइयै फाइनल च अपनी थाहर पक्की कीती ही।

<><><><><><>